

Xeerka 12 Oktobar 1957, lamba. 35 rep

Dhismaha Wasaaradda Cafiska iyo Garsoorka ee Dawladda Soomaaliya.

MAAMULAHAA

Marka uu arkay qod. 7 ee Bayaanka Mabadiida Dastuuriga ee ku lifaaqan Heshiiska Ilaalinta dalka Soomaaliya;

Marka uu arkay Dekereetada 18 maajo 1956, lr.78 ee ku saabsan Nidaamka Dawladda Soomaaliya;

Marku arkay dekereetada 18 majo 1956, lr. 80. ee ku saabsan awoodaha maamul ee la siiyay Guddoomiyaha Maxkamadda Garsoorka;

Marka uu garowsaday in la dhiso Wasaaradda Cafiska Iyo Garsoorka;

Marka uu tixgaliyay cawaaqibka iyo baahida, laga filan karoo in maaddada lagu qaabeeeyo dhismaha Axdigaa Dastuurka Dalka, la hagaajiyoo maamulka Dawladda Soomaaliya ee ku cad Dekereetada 18 Maajo 1956, lamba. 80, iyo in la wareejiyo iqtisaaska ku cad qodobad 27 iyo 53 ee 18 Maajo 1956, lamba. 78 Dekereetada

Isagoo adeegsanaya awoodda iqtiyaariga uu siinayo qod. 11 Xeerka 7 Maajo, 1956, lamba. 1;

Marka uu dhagaystay Golaha Wasiirada; ee uu soo jeeiyay Wsiirka Koobaad.

WUXUU DEKEREETO KU SAARAAYAA

Qod. 1

Waxaa la dhisay Wasaaradda Cafiska iyo Garsoorka Dawladda Soomaaliya.

Qod. 2

Wasaaradda cusub, iyado la eegayo nidaamka lagu sheegay qod. 1 ee Dekereetada 18 Maajo 1956, lamba. 78, waxaa soo raacaya Wassaradda arrimaha Gudaha.

Qod. 3

Waxaa loo warejiyay Wasaaradda Cafiska iyo Garsoorka xilalka awoodaha maamul ee lagu sheegay Dekereetada majo 1956, lamba. 80:

- maamulka shaqaalaha Garsoorka;
- arrimaha ku sabsan habsami u socodka maamul ee xubnaha garsoorka;
- hagaajinta qoraalladada u soo wareejiaya Xeerka Nidaamka Garsoorka ee la xariira iqtisaaska maamulka;
- daraasaadka iyo mashaariicda la xariirta Xeerka Nidaamka Garsoorka;
- anshax-marinta qareenada;
- arrimaha notayada;

Waxaa kaloo, awood loo siiyaya iqtisaaska ku cad qod. 27 Dekereetada 18 Maajo, lamba. 78:

- Nidaamka Xabsiyada;

- hay'adaha ka hortagga ciqaabta, maamulkooda iyo hawlahood gargaarka arrimaha ku saabsan ciqaabta maxaabbiista;
- Ciidanka Ilaalda Xabsiyada;
- maamulka Ilaalad Xabsiyda;
- tallaabooyinka amarrada la xariira Ilaalada Xabsiyada.

Waxaa kaloo u soo wareegaya aqitisaasyada ku xusan qod. 53 ee Dekereetada 18 Maajo, lamba. 78:

- Arkifiyada Xeerarka iyo Dekeretooyinka lagu bixiyay;
- lamabarada diiwaanada iyo uruurinta Xeerarka iyo Dekeretooyinka;
- Baahinta Faafinta Rasmiga.

Qod. 4

Abaabulka xaafiisyada ama waaxyaha iyo adeegyada, lagama maarmaanka u aha habsami u socodka Wasaaradda Cafiska iyo Garsoorka, waxaa loo samayn karaa dekeretooyin dambe oo lagu nidaaminayo.

Qod. 5

Dekereetadan Baarlamaan waxay hirgalaysaa marka lagu bahiyo Faafinta Rasmiga.

Muqdisho, 12 Oktoobar 1957.

Anzilotti

CABDULLAAHI CIISE MAXAMUUD

Waan arkay iyo la diiwaangeliyay – Diw. lamba. 5 – bogga lamba. 95

Muqdisho, 14 Oktoobar 1957.

Hantidhowraha Guud: **Spadaro**